

Txapelketa Nagusiari jarriak



NAGORE LEGARRETA

I

Txapelketaren lehia eroan,
sormenaren afanean,
bertsoz osatu zaigu orbela
aurtengo udazkenean.

II

Ilaren menpe sartu ezinda
ez gelditzeko penetan,
bazkalordua aurreratu da
makina bat sukaldetan.

III

Hitz neurtuei doinua jarriz
segundo gutxi batzutan,
denek nahi dute baina bakarra
ipiniko dute puntan.

IV

Txalo hotsekin lehen agurra
horra aurkezpen txartela,
sarri bakoitzak duen tenplea
erakusten du horrela.

V

Zenbat buru hainbeste epaile
begi-belarriak adi,
kakots arteko puntuak jarritz
epaitu ezin denari.

VI

Laudio, Leitza, Bilbo, Uztaritze...
mapa behar du txoferrak,
deskubritzeko dauzkagulako
Euskal Herriko bazterrak.

VII

Pilotaleku handiak lepo
denak gertu lehiarako,
artekariak egon balira
lanik ez zuten faltako.

VIII

Batzuk haserre, besteak ados,
ta iritziak hamaika,
bertsotan ere denen gustoa
egitea zaila baita.


IX

Alfonbra gorri bat jarri ordeztu
txaleko gorriak jantziz,
hamaika lagun lanean itsu
aritu da elegantziaz.

X

Oholtza gainean txalotu diren
izar handien arnasa,
ixildu gabe bizirik dirau
saioz saio, plazaz plaza.

DOINUA: "Dios te salve, ongi etorri".



Bidali zure sortak **bertsoak@argia.com** helbidera. Aukeratuak orri honetan argitaratuko ditugu.